



御製

三朝要典序



朕惟自古帝王莫不有
徽猷鉅訓。以迪衆庶而
信來茲。矧綱常萬古爲

昭故父慈子孝君令臣
共其道光明。無纖芥可
疑之隱。其事平實。無非
常可喜之功。其行之爲
一時賞罰。定之爲萬世

是非。則確然直截。無依
違。可借之影響。循此則
忠良悖。此則姦賊獨奈
何。使姦賊得竊忠良之
號哉。誠折紛而定論。當

據事以直書。亦覲揚陟
降之善物也。本朝家法
炳如日星。仰惟我

皇祖神宗顯皇帝。建元良
以繫海寓之心。真慈夙

注。我

皇考光宗貞皇帝。體先志
而舒雲雨之澤。純孝丕
彰。迨

龍馭之上賓。肆冲人其績

緒名正言順。猜忖曷庸。
不意群姦巧于構疑也。
疑挺擊。則託護東宮者。
進矣。疑紅丸。則援不甞。
藥者進矣。疑移宮。則造。
爲垂簾者進矣。總三案。
之姦。皆一堂之衣鉢。
將使

皇祖

皇考。抱疑不白。而朕躬亦

三朝... 御製序
幾陷于不孝。深用痛心。
幸正論時聞。業已區分
陟斥。猶慮遐方耳目。緣
簧鼓而漸致淪胥。來襪
汗青。襍狐疑而罔知斷

案。又以事歷

三朝。或多挂漏。特降手諭
俾史臣倣

明倫大典故事。將前後明
旨章奏。編輯成書。其總

裁副總裁。及纂修等各
官。俱朕慎簡。自茲歲丙
寅春正月。開館纂修。迄
今編成。爰定其名爲
三朝要典。以其專爲

三朝慈孝作也。斯編行且
頒天下矣。朕復自序其
首曰。嗟乎。小人之禍人
國甚哉。指宮闈爲攘功
之地。則翼戴莫出其先。

証

君父以不美之名。則定策
肯居于後。且事極常而
故張之。踪本杳而故文
之。或十餘年。或五六年。

幾成蝸蟾沸羹之世。富
藉非

皇祖

皇考。默牖朕衷。則真是真
非。其何結局之有。當我

三朝要典 卷之四 律集序
世宗肅皇帝時。慮統嗣混
而不得尊其

親。故其書主于定大統。在
朕今日。慮貞邪淆而將
不免於誣其

親。故是書主于剖大疑。令
天下萬世睹是書而悟
曰。前星立矣。藩封遣矣。
即有風癩。立付市曹。於
國本無恙也。其無容疑

者一。

鼎湖之悼。實慕緣孝篤。疾以慕深。孰得以一月。

天子。掩其爲千秋。

聖人哉。其無容疑者二。一。

疾集蓼。此何時也。

遺言未往。封號在心。宮自

當移。寧俟逼而後移。其

無容疑者三。雖朕中興

之業。不敢望與

世宗媲美。或庶幾可免於
戾乎。然朕覽斯編。愈惕
然於陰陽消長之際也。
方三案之鳴也。其時邪
與正互犄。今心術各揭

於青編。斷案亦章於白
日。詎非陽長陰消之一
會。第邪雖芟而能保無
伏莽。正雖顯而能保無
遺珠。萬一倚伏貞勝之

三朝要典 卷之四
幾。稍不審。而至于誤用。
將奚以爲。

先德光繼。自今尚賴爾諸
臣靖乃志。以佐澄清。竭
股肱。而襄祗。適庶。

在天之靈。於茲降格。而斯
編亦不徒託諸空言矣。
是爲序。

三原
卷之二
御製
十一
天啓六年六月十九日

聖諭

朕惟君臣父子。人道之
大綱。慈孝敬忠。古今之
通義。有國家者。修之則
治。紊之則亂。爲臣子者。

從之則正。悖之則邪。自古迄今。未有能易者也。廼有乘宮庭倉卒之際。遂懷傾危陷害之謀。構朝家骨肉之嫌。自爲富

貴功名之地。其爲亂臣賊子。可勝誅哉。洪惟我皇祖神宗顯皇帝。早建元良。式端國本。父慈子孝。原無間然。而姦人王之

宋。翟鳳翀。何士晉。魏光緒。魏大中。張鵬雲等。乃借梃擊以要首功。我

皇考光宗貞白皇帝。一月御天。千秋稱聖。因哀得疾。

純孝彌彰。而姦人孫慎行。張問達。薛文周。張慎言。周希令。沈惟炳等。乃借紅丸以快私怨。迨

皇考賓天。朕躬續緒。父子

承繼。正統相傳。而姦人
楊漣。左光斗。惠世揚。周
朝瑤。周嘉謨。高攀龍等。
又借移宮。以貪定策之
勲。而希非望之福。將

憑几之遺言。委諸草莽。以
待封之宮眷。視若寇讐。
臣子之分。謂何敬忠之
義安在。幸天鑪朕衷。仰

承

先志康妃皇妹恩禮有加。而守正諸臣。凡因三案。被誣者。皆次第賜環布。列有位嘉言罔伏。朝政肅清。特允部院科道諸

臣之請。將節次明旨。并諸臣正論。命史臣編輯。成書頒行天下。使

三朝慈孝。燦然大明。天下萬世。無所疑惑。其凡例

體裁一倣明倫大典故
事。即於新春開館纂修。
特命輔臣顧秉謙。丁紹
軾。黃立極。馮銓。爲總裁
官。施鳳來。孟紹虞。楊景

辰。姜逢元。曾楚卿。爲副
總裁官。徐紹吉。謝啓光。
余煌。朱繼祚。張翀。華琪。
芳。吳孔嘉。吳士元。楊世
芳。爲纂修官。喬煒。秦之

垣。李桐爲膳錄官。鄭崇光。姜雲龍爲收掌官。卿等受茲委任。須同心協力。研精殫思。採集周詳。持議明覈。凡係公論。一

切訂存。其羣姦邪說。亦量行摘錄。後加史官斷案。以昭是非之實。務在早完。書成之日。名曰

三朝要典。以仰慰

皇祖。

皇考。在天之靈。用副朕覲
光揚烈之意。欽哉。故諭。

天啓六年正月十五日

聖旨

覽卿等所擬纂書諭稿。

周詳剴切。實合朕心。雖

編摩成於此時。然垂戒

關於萬世。其名曰傳信

鴻編曰三大政紀朕再
四思之。咸似未妥。朕欲
名之曰

三朝要典。未知當否。卿等
便與副總裁等官。詳議

妥確來聞

天啓六年正月十四日

朕覽卿等所奏。纂修

三朝要典。着於正月二十

六日。開館編纂。其合行

事宜俱依議行。具見卿等忠愛。朕知道了。該衙門知道。

天啓六年正月二十三日

覽卿等奏。

三朝要典。編纂已有次第。

朕宜御製序文。以冠篇

首。卿等即細心擬稿進

覽。務期典則詳明。以昭

朕彰闡垂戒至意。該部

知道

天啓六年三月二十七日

洪惟

三朝要典。乃人心之公論。
萬世之大坊。朕不敢私

其是非于上。史臣亦誰
敢私其曲直于下乎。所
有陸續草稿。旣經卿等
刪潤。謄錄副本已完。并
撰擬序文。及卿等恭撰

後序。朕覽其梗槩。大畧
已知。或就中詳細之處
須發揚獻納。足爲臣下
之模。必剖決是非。炯昭
後世之鑒。庶

三朝大案。若宛在目前。邪
正了然。即萬代不易。卿
等還更加詳慎。務成不
刊之典。期示將來。即寫
正本。擇吉具儀進呈。該

三朝典
聖旨
衙門知道

天啓六年五月二十五日

凡例

一。是典遵

聖諭倣

明倫大典編年。以年繫月。

以月繫日。挺擊。始

國本於萬曆乙卯五月。

紅丸。始於泰昌庚

申八月。移宮。始於

是年九月。迄於天

曆丙寅三月。有關

三案者書

一。三案始于梃擊。故

首列

詔諭之關係

國本者。以爲原始

一。諸臣總論三案疏。

其

明旨止載前一案中。慮重

復也

一。諸臣奏疏議揭。約

畧繁辭。正邪備錄。

俱出原文

一。議單詳於紅丸。其

其干挺擊。移宮者。

分載兩案

一。據事據文直書。得失自見。後爲論斷。亦倣

明倫大典例

三朝要典表

少師兼太子太師吏部尚書中極殿大學士顧秉謙。太子太保禮部尚書兼文淵閣大學士臣黃立極。臣馮銓等。恭奉

聖諭。纂脩

三朝要典。伏蒙

皇上親製序文。今纂脩已完。謹奉表

上進者。臣等誠懼誠忤。稽首頓首。

上言。伏以

聖王脩人紀。以經天。制作昭惇庸之重。

明主闡先猷。以垂後。編摩揚謨烈之輝。一德作

求。揭

三朝以靡晦。五典無數。俟百世而可知耀。

至德於縑緇。識

弘裁於秘府。竊惟天地所以不毀。賴有君臣

父子兄弟之倫。人道所以常明。恃有議禮

制度考文之主。淳風既遠。廢或生于大常。

懿德恒存。疑當孚以至信。臣子靖共爾位。

操室戈而國是斯濟。大君輯寧我邦。持太

阿而小羣。可渙儻富貴功名之念切。不難

蔑風紀于人間。將綱常倫理之紐微。何以

轉日轂於世宙。事極則理必反。文徵而實

可傳。茲蓋伏遇

皇帝陛下。

健配乾行。

明符晉出。

垂裳貞度。河山并獻其禎祥。

拂席橫經。日月時勤于將就。

兢兢用人圖治。見堯舜于羹牆。

孜孜明罰勅幾。率

祖考而陟降。

善繼善述。

不愆不忘。緬惟

神宗顯皇帝

恭默而化。瑟坐調嬖。翼子貽孫之盛軌。

光宗貞皇帝。

寬仁而寢。孟永奠。追問寢視膳之芳模。為人

子止于孝。為人父止于慈。歷

三朝而淺淺融融。允建維皇之極。觀于朝無異

政。觀于野。無異俗。躋萬方于熙熙。錄錄。依
然在宥之風。第久治蒙孽易生。當審機而
收鎮定之效。乃小人居心弗淨。每伺隙而
開悔吝之端。

元良早定於分珪。陽託危疑之慮。

先聖考終於憑几。敢為汗蠡之名。其至構陷

掖庭。結納近侍。借徒

官之恒典。希定策之奇勳。多侈成筭。風波疊

生于橫議。豈部見斗。天日幾為之晦冥。蓋
其黨與蔓延。數年糾結彌甚。故爾比周滋
毒。

累朝濁亂靡寧。幸

廟社之有靈。牖

宸衷之獨斷。禹鼎洞燭夫魑魅。堯廷何慮乎共

驩。狂者縱任。苞會業已以為

清朝之靈。肆今次第謀譴。可不復為治世之

蟲。訖富訖威。析楊。委譚。無枉。分貞。分佞。環
玦。不斲。互施。猶慮。刑章。儘錫。示一時。姦回
雖已。落膽。而信史。不傳于萬世。要案何繇
做心。於是

特沛宸章。宏闡案局。更屬

聖慮。豫定嘉名。俾在史右。以編序。做大書。特
書。而紀載。哀角。立曹。分之。續繫。日月。以無
差。持彰。善。輝。惡。之。權。嚴。察。錢。而。莫。貸。鍊。金

銷骨之口。片語亦為之誅心。捕風捉影之
譚。連篇。益著。其蒙面。刑繁。舉要。人惡。身在
目前。切理會文。治法。運之。掌上。筆。蕭。雨
作述。備矣。可見

先朝為之規。總世為之隨。展卷而鑒。戒昭。鑿。庶
幾。君子有所恃。小人有所畏。

大典叙而大倫丕著。正論明而正氣永昌。名矣
弘編。豈云小補。恭塵

睿覽。用禪宏募。臣等慙無太乙之藜。濫侍

玉皇之案。朝夕乾惕。每微實于聞聲。左右研窮。

無虛美而隱惡。仰體

孝思之不匱。俯刻時日以速成。文即在茲。監于

古為訓。道未墜地。議其大以陳。祇獻一得

之愚。肅瞻

重離之照。伏願念

祖宗付託之鉅體

天地生成之心。推其老幼而治本端。莫不尊親

而道化洽。堯山去四已

章。震震之威。湯網開三。宜

灑露濡之潤。無偏無黨。養世道于和平。不競

不綵。頌

明廷之大雅。則璇璣運序。乾坤節而八荒調。

玉燭流輝。陰陽和而萬物得矣。臣等無任

瞻

天仰

聖。激。切。屏。營。之。至。謹。以。脩。完。

三朝要典二十四卷。隨表上。

進以

聞

天啟六年六月十九日少師兼太子太師

吏部尚書中樞殿大學士臣顧秉謙等

謹上表

奉

聖諭纂脩

三朝要典

總裁

光祿大夫左柱國少師兼太子太師吏部尚書中樞殿大學士臣顧秉謙

光祿大夫太子太保禮部尚書兼文淵閣大學士臣黃立極

光祿大夫太子太保禮部尚書兼文淵閣大學士臣馮銓

副總裁

通議大夫禮部左侍郎兼翰林院侍讀學士掌院事臣施鳳來
禮部右侍郎兼翰林院侍讀學士協理詹事府事教習庶吉士臣楊景辰

通議大夫詹事府詹事兼翰林院侍讀學士臣孟紹虞

詹事府詹事兼翰林院侍讀學士臣曾楚鄉

纂脩

通議大夫戶部左侍郎臣徐紹言

中憲大夫都察院左僉都御史臣謝啟光

翰林院脩撰儒林郎臣余煌

翰林院編脩文林郎臣朱繼祚

翰林院編脩文林郎臣張澍

翰林院編脩文林郎臣華琪芳

翰林院編脩文林郎臣吳孔嘉

翰林院檢討徵仕郎臣吳士元

翰林院檢討徵仕郎臣楊世芳

膳錄

徵仕郎中書舍人臣喬煒

脩職郎通政使司經歷司知事臣李相

冠帶監生臣張載徵

收掌

奉直大夫尚寶司少卿加四品服俸臣張承爵

試中書舍人加五品服俸臣姜雲龍

遵奉

聖旨刊刻

三朝要典

總理

資政大夫禮部尚書兼翰林院學士臣李思誠

通議大夫禮部左侍郎兼翰林院侍讀學士臣施鳳來

閱對刊刻

禮部司務廳司務臣劉象瑤

承德郎禮部祠祭清吏司署同事添註主事臣戴東昊

書寫磨對

內閣辦事禮部儒士臣李蒸

監

生臣陸鏡泰

臣陸成棟

臣唐龍起

士臣儲國士

禮

部

儒

臣許增

三朝要典原始

萬曆辛丑十月己卯

册立

皇太子

詔告天下曰。蓋聞皇帝長治久安之道。莫重于

崇建元良。戒

祖宗家法相承。惟長是立。所以厚國本。定人心

也。朕哀早。孝敬寬仁。天鍾粹美。奉朕

諭教時敏厥脩。今德器日益端凝。學業日
益精進。允堪允受。慰朕至懷。敬入奏于
聖母。諏詢十五日吉。授冊寶為皇太子。仰承
廟

社之靈。俯順臣民之望。爰封第三子常洵為福
王。第五子常浩為瑞王。第六子常潤為惠
王。第七子常瀛為桂王。俾各守藩。共維大
統。典禮既成。普天同慶。於戲長男。主器益

綿有道之長。衆子分封。茂衍無疆之慶。敷
予德意。咸使聞知。

先是輔臣申時行等於萬曆十四年二月
內。疏請

建儲。

上諭以元子嬰弱。少俟二三年舉行。踰日又請。
溫答如前。未幾而姜應麟。沈璟等各有疏爭。
上怒其煩瀆。降諭有差。及科道申救。

上曰。立儲以長幼為序。

祖宗家法。萬世當遵。朕豈肯以私意。違拂公論。姜應麟等。揣摩上意。輒以舍長立幼為疑。置朕有過之地。特降處示懲。非為奏請冊立之故。國本有歸。朕已明白曉示。待期舉行。各官宜體朕意。再不許妄疑。竄擾。至十八年元日。上召見時行等於

毓德宮。語及冊立。

朕無嫡子。長幼自有定序。鄭妃再三陳請。恐外間有疑。但長子猶弱。欲俟其壯健。使出就外。緣放心。時行復請豫教。

上然之。時行等退。

上復令內臣追止之。云且少俟。

皇上已令人宣長哥來。着先生每一見。時行等還至宮門。

上令人覘中閣老等。聞台長哥亦喜否。時行等

語內臣云。我等得見

睿容。便如觀景星慶雲。真是不勝之喜。內臣

入奏。

上微哂。頷之。頃之

皇長子至。

皇三子亦至。時行等既見。賀

上云。

皇長子龍安鳳目。岐嶷非凡。仰見

皇上昌後之仁。齊天之福。

上欣然曰。此

祖宗德澤。

聖母恩庇。時行復請讀書豫教。乃退。越一日。復

請。至十月。又請詞頗切至。有謂道路訛傳。

皇貴妃獨蒙眷注。屬意所生。京師百萬軍民。

頗倡淳議。今國泰之疏。已票而不行。則外

間又生疑議。且以為

皇貴妃。姑令國泰塞責。

皇上姑為

皇貴妃解紛。何以杜軍民之口。副四海之心。

既入。

上諭內閣曰。皇子體脆質弱。少俟時月。朕自有旨。於長幼之序。豈有搖亂。雖皇貴妃嘗贊言。以免疑議。朕前已面諭卿等知之。朕意必待自處。不喜于聒激耳。豈有謠言而惑朕哉。卿

等。可看兩京大小文武。自十四年。至于今日。

有一年一月一日之。不聒激者。此輩欲離間。

父子之天性。以成已賣真圖報之逆志耳。卿

等。可思子乃朕子。豈有父子無親之理。豈有

越序定立之理。朕于陳奏。一槩留中。蓋惟其

聒激。竄擾。歸過于上。要直于身耳。至于鄭國

恭之奏。特示鄉知。我朝威儀。未有敢言國政

者。國恭出位。妄奏。甚乖禮制。朕姑具容之。其

建儲之事。還候旨行。卿等不可學此輩以激言之事。虛文塞責。越數日。

上命文書官口傳。用立事。如明年春夏。科道等得門不來。瀆擾。便于明年冬。傳旨用立。如再瀆擾。直待十五歲行時。行復奏謝。言即日傳

示部科訖

上復傳諭云。用立之事。只傳與先生。每股肱大臣。如何傳與各衙門。瀆擾。自十四年起。至今

屢屢未至。為臣的疑。上為上的。不得不疑。朕所以動火。自今之後。不許賂擾。中外若能靜聽一年。明旨當無中變。十九年八月。二部主事張有德。以大禮屆期。儀物未備。復有瀆請。

上怒曰。父子至親。已有明諭。豈待爾輩煩擾。邀功。張有德。罰俸三箇月。本欲過壽節。舉行。既屢屢催激。其用立之事。着改于二十一年行。

各衙門不得又來噴激。以致延改。至二十一年。輔臣王錫爵。應

召還朝。即請

開立。以昭大信。

上以

祖訓立嫡。

中宮年少。欲將

三皇子。一并封王。少待數年。

皇后無出。再行開立。錫爵力持再三。會朱維京。

王如堅。先後疏爭。

上怒成之。錫爵復為營解。且堅請會議。以安人心。

上諭以安心輔理。且言無識小畜。謗訓疑君惑眾。聽波及誣詆。不必自惑。不必延議。錫爵復自認兩情之誤。懇請

召對。

上曰朕非不從卿言。因見大小諸臣紛紛疑訕。朕為人君。耻為臣下挾制。謗

祖。義訓國體何在。今卿若自認錯。置朕何地。正為卿含忍。欲商量別處之法。不可黨眾激惱。以辜朕意。既如此。俱不必封。少俟二三年。再行開立。十一月十九日。

上視朝畢。御煖閣。

召見錫爵。慰諭扶母來京。可稱忠孝。兩全。錫爵

叩頭言。政恐忠孝兩虧。因苦請

開立。豫教。

上諭以明年該長髮之期。且言洞悉卿苦心。錫爵退而陳謝。

上復委曲慰藉。越數日。

諭明春行豫教。出閣禮。然欲令

皇三子并講。令擬

諭。錫爵言

皇長子太遲。

皇三子又太早。恐先後緩急之間。

聖心稍悔。

上曰。皇長子冊立一事。久已斷自朕心。今欲於
明春先行講學之禮。其皇三子少待次年另
行。長幼之序。即此為定。舊例親王講讀。止用
二人。且從外署改入。錫爵請用脩撰。以下
六人。且用大臣侍班。儀從一如東宮。

上諭。俞行。至二十六年五月。

上諭內閣曰。皇長子年及冠婚。

祖宗禮制。天倫親情。朕豈不欲早傳行。但念皇
長子素稟清弱。所以遲緩者。正要培養豐厚。
誠愛重之意。今春至夏。朕屢召皇長子。暨諸
皇子。問察習學之功。見皇長子氣質比與去
歲。漸加充實。且書做對句。頗有進益。朕甚嘉
悅。皇長子欲先行三加冠禮。次及冊立選婚。

朕思未正名封冠服不便。况二宮不日落成。待煥然一新。行此大典。庶嘉禮有所以便。臣民具瞻。十一月復

諭禮部具選婚儀。二十九年五月。禮科給事中楊天民等疏。催

用立。

上曰。用立冠婚。分封大典。明旨曉然。有何疑議。惑衆有何逢迎。覬覦有何陵逼。黨附况初春

內外遵旨靜候。即擇日命其移居。是豈欲遷延乎。今正欲降旨。擇日舉行。楊天民等。輒敢逞臆瀆阻。假此要譽沽名。而實離間遲緩。奸生可惡。八月輔臣沈一貫。請舉大典。引既醉斯干之詩。詞甚懇婉。

上覽揭。嘉其忠愛。深合朕心。遂有即日降諭。舉行之。

命吉期。已卜于十月十五日。先五日金兩未完。

冊寶尚未鑄造。

上以典禮隆重。至期或用冊寶文行禮。過期

補賜可否。一貫從史可行。

上命于

聖母徽號之日。御前補賜。至日而大禮成。

史臣曰。要典原始首載

冊立之

詔而後備列

明旨。遷改之因。以見

大聖舉事。獨斷獨行。羣下揣摩。適激逾緩。過在

下而不在

上也。蓋姦黨構釁。希功定策。爾倡後和。實繁有

徒。向非

神皇淵謨。睿斷力剖。精疑之跡。不倒太阿之柄。

則

冊立大典。不知為幾許姦人富貴資矣。爾臣時

行。苟請。

冊立。即以。

列聖家法為言。

天語頻宣。亦謂長幼序定。家法當遵。待時舉行。有何疑議。而喜事之徒。競為煩瀆。其意何居哉。歸過于。

上要直于身。煌煌。

宸諭。固有以誅其心矣。迨輔臣錫爵。再入綸扉。

忽有。

三五並封之諭。

上意從容待嫡。似緩而實定。輔臣默挽潛移。辭紆而意懇。

于諭口傳。及閣揭纍纍。記注可按也。一時言者。無回天之術。觀取日之功。假翼戴之名。肆排擠之計。于是堂簾苦心。幾成疑案。當有職其咎者。庶未幾而。

並封之議寢未幾而

並講之議又寢。豫教獨先。官察大備。雖

渙號未頒。儼然

鶴聞儀從矣。謂非

聖謨之風足與輔臣之善調哉。邪黨相煽。薪焰

不息。講張為幻。莞枯分膏。何憂何危。

而侈然竊議為名也。雖

聖怒旁洩。誰實階厲。事在戊戌之五月。越五年

癸卯。

青宮正位。已再逾歲。而後有續憂危竊議一

書。公署私邸。同時布散。隱詞嚙語。煽

惑

宮闈。羅織善類。輔臣朱賡。謂口不忍言。手不

忍書。

土赫然震怒。嚴命緝訪。

手勅宣諭

皇太子。累數百言。有曰。念汝素懷敬慎。篤于孝友。乍聞此事。恐至驚惶。倘至眠食少妨。使我滋多懸掛。又曰。此謗必起于臣僚之自相傾陷。假借國事。以為名耳。雖在臣僚。亦無一毫指實。矧吾官禁。而可為彼簧惑。又諭以安心調養。用心讀書寫字。勿聽小人引誘。傳時淚下。

皇太子亦含淚叩頭。此段情景。乃

上命。禮口傳內閣者。行道聞之。無不敢泣。傳誦謂

神皇保護

東宮。父慈子孝。千古無兩也。而臣僚自相傾陷。一語尤燭萬里。而洞幽隱矣。夫既

冊立後。保護如此。其至則未

冊立前。又寧有纖芥之可疑哉。且

元良久定。名分昭然。

福藩就國之早晚。奚關大計。適當其時。而黽
勉從事。固有司之職也。侈言羽翼。臣
義謂何。况事有激之而愈格者。即如
瑞邸。操梅頻頻啟事。豈亦有關於

國本乎。大抵姦貪妄希寵榮。則借名

國本。為躡遷之地。險邪嫉害。正直。則誅誣

禁庭。為一網之謀。賴

網獨攬。操縱在握。

意考天植。離間不行。魑魅立誓于震霆。雨雪自
消于見晛。然而先後廷臣。無識無骨。
之輩。已有墮其雲霧而不覺者。意所
欲無則

諭札雖尊不信。而懸坐輔臣以不韙之疑。意所
欲有。則妖刻儼頌。遍傳而妄臆

宮中有奪嫡之計。又况適有張差一事。肯不
大肆。喻張競相附會。居奇債而攘首

功哉種、覺孽。線索相因。歷歷姦謀。
機閉不爽。侍郎崔呈秀。洞厥源委。操
疏具陳。亦憂深而慮遠者。

皇上批答。謂與三案諸姦。一脉相貫。

淵見睿識。同符。

神皇。蓋不惟褫見在之姦鬼。清將來之仕路。而
且可為億萬年之定案矣。謹奉

列其顛末如此。

